

Band 2

H.1 S.9

1107 Juli 26. Goslar.

[13

König Heinrich V. bestätigt dem Kloster Helmarshausen seine Besitzungen, Rechte und die Immunität.

(C.) X In nomine sanctae et individuae Trinitatis. Henricus divina favente clementia quintus Romanorum rex. X Notum fieri volumus omnibus Christi nostrisque fidelibus tam futuris quam presentibus, qualiter nos causa Dei et pro felici stabilitate regni nostri et ob eternum remedium anime

nostrę nostrorumque parentum, immo et pro dilectione clavigeri regni celorum et etiam digno interventu et humili petitione nostrorum dilectorum principum Otthonis videlicet Babenbergensis episcopi, Burchardi Monasteriensis episcopi, Udonis venerabilis Hildenesheimensis ecclesię pontificis, Liudigeri ducis, Herimanni comitis et aliorum multorum nostrorum fidelium ecclesię Dei in honore beati Petri principis apostolorum constructę in loco, qui dicitur Helmwardeshuson, omnia bona, tam pędia quam cętera acquisita nostrorum antecessorum regum vel imperatorum temporibus nostrique tempore successorumque nostrorum, quamdiu durabit seculum, acquirenda sibi sive per precariam sive per emptionem sive per oblationem vel quolibet alio rationabili modo per hanc preceptalem paginam concessimus ac iure perpetuo possidenda regia maturitate firmavimus. Dedimus quoque preceptum stabiliter regio more, ut nulla deinceps persona, magna vel parva, cuiuscunque sit ordinis vel officii, audeat modo dictam ecclesiam aliqua arte molestare vel inquietare vel tributum inde vel aliquod regale servitium exigere, sed per omnia et in omnibus ex regali concessione utatur perpetua libertate. Ut autem huius nostrę pietatis concessio ab omnibus credatur et stabilis et inconvulsa omni ęvo permaneat, hanc inde cartam conscriptam et manu propria corroboratam impressione nostri sigilli insigniri iussimus.

X Signum domni Heinrichi quinti regis Romanorum invictissimi X (M).
X Albertus cancellarius vice Maguntini archiepiscopi Rotardi archicancellarii recognovit. X

Data VII. Kal. Augusti Indictione XIII. anno ab incarnatione Domini Millo. C. VII, regnante Heinricho V. rege Romanorum anno III., ordinationis eius VIII. Actum est Goslarie feliciter in Christo. Amen.

Orig. Siegel ab. (Einschnitte von ungleicher Länge). Auf der Rückseite Heinrich V. de libertate loci. Nona bulla.

Druck Schaten I, ad ann. Wilmans-Philippi, Kaiserurkunden II, Nr. 212, S. 279 f. Ebenjo Wenk, Hess. Landesgesch. II, U.-B. 46, S. 56. B. U.-B. II, Reg. 1351, S. 217 f. Böhmner Reg. Nr. 1981. Stumpf Nr. 3017. Die Indifion ist XV.